

Edificio Intelcentrum a yega e punto mas halto den construcccion

ORANJESTAD(AAN) -- Diabierna Setar a celebra e hecho cu a yega e punto mas halto den construcccion di e edificio intelcentrum.

Ministro Bermudez a tene un discurso caminda el a bisa cu a penas 3 luna pasa el a pone e prome piedra pa e edificio aki y ya caba el a yega su punto maximo.

Ministro Bermudez ta kere cu nos tur ta di acuerdo cu e constructor y su colaboradornan ta merece un fuerte pabien pa e esfuerzo grandi aki.

E logro ehemplar aki segun Ministro Bermudez ta simbolisa e firmesa di e desaroyonan cu ta tumando lugar na Aruba en general y den nos telecomunicacion en espe-

cial.

Ta di compronde cu e sucesonan importante aki ta pone un peso pisa riba Setar y su trahadornan y ta comprensible cu bao di e presion aki cu nan ta trahando duro na bienestar di nos pais, nan ta laga un stik cay de vez en cuando y ta tarea di maneho pa corehi esaki.

Ministro Bermudez ta lamenta cu te ainda tin politiconan cu bao di pretexto di preocupacion, kier abusa di momentonan debildi nos trahadornan pa sirbi nan propio interes politica, manchando asina number di Setar y di su funcionarionan.

Ta vergonsozo pa tende con e diferente politiconan cu no

mucho tempo pasa a worde descualifica un pa un pa nan propio incapacidad, awor kier bin predica capabilidad, cumplimiento di ley etc., sembrando confusion y inseguridad.

Ministro Bermudez kier a haci un apelacion fuerte ariba nos trahadornan di Setar pa no

sucumbi y no laga Setar bira un arena politica, pero tene Setar su number na alto y mantene Setar como un compania productivo.

Mes productivo cu esnan cu ta construyendo e edificio aki, mes productivo cu esnan cu ta construyendo nos central di telefon y telex y mes productivo cu esnan cu ta construyendo

nos stacion di satellite.

Ministro Bermudez a bisa cu boso productividad conhuntamente cu esfuerzonan di Gobierno pa reforza e maneho di Setar ta garantia cu tur e proyectonan aki lo realisa na tempo, demostrando asina Setar su credibilidad.

Ministro Bermudez a desea e constructur y tur esnan envolvi, hopi exito pa termina e edificio aki na September, pa asina nos

por aloha e operadornan di nos equiponan nobo y tambe temporalmente e directiva di Setar, te ora cu e edificio administrativo nobo lo ta cla na Seroe Blanco.

Ministro Bermudez a termina su discurso bisando " otro aña akinan Aruba lo tin su propio centro di telecomunicacion, pasobra manera e dicho ta bisa e cachonan ta ladra, perpo e caravana ta sigui su destino.

